



INVIT A NOSSA RADUNANZA ANNUALA

SONDA, ILS 10 DA MATG 2025, A LAS 10:15 URAS A TURITG

SALA POLIVALENTA DA L'INTERPRESA SCHAUB MALER AG
Hofackerstrasse 33, 8032 Turitg (avertura a las 09:45 uras)


Charas Rumantschas e chars Rumantschs

En il temps dad oz eis ei impurtont da contonscher il commembradi d'ina uniun era cun ina adressa electronica (eMail). Nus havein tutta capientscha che buc mintga persuna ha ina adressa electronica. Denton essan nus dal meini, che questa part savess venir augmentada cun in profit per l'entira uniun. Infurmaziuns distribuidas via ina adressa electronica ein da gronda actualitad e pli semplas da realisar. Perquei envidein nus Vus d'indicar a nus Vossa adressa electronica actuala(ni da verificar quella). Nus retscheivein savens returas cul motiv che l'adressa electronica seigi buc pli valabla. Sin nossa pagina d'internet saveis Vus indicar a nus Vossa (nova) adressa electronica. Fagei per plascher ils suivonts pass sin nossa pagina d'internet:

<https://uniun-urb.clubdesk.com> silsuenter cliccar MENÜ >>> Midada d'adressa ubain

https://uniun-urb.clubdesk.com/verein/midada_adressa

ni scannei il suivont code QR per indicar Vossa nova adressa electronica:



Nus engrazien a Vus cordialmein per Vossa capientsche e Vies sustegn en favur da l'actualitad da nossas adressas.

Uonn realisein nossa Radunanza annuala (RA) en la sala polivalenta da l'interpresa Schaub AG. En questa localitad havein gia realisau cun success pliras occurrenzas. Il liug dall'occurenza, **SCHAUB MALER AG, Hofackerstrass 33, 8032 Turitg**, ei fich bain contonschaivels cun il tram 11 ubain 18 (Forchbahn) ubain cun ils bus 31 entochen Hegibachplatz e silsuenter 5 minutas a pei sin la via Hofackerstrasse entochen il numer 33.
<https://www.schaub-zh.ch>

Suenter las tractandas tenor tschentaments havein nus la quida da beneventar signur **Men J. Schmidt**, il grond expert rumantsch da tecnologia astronautica. El vegn a referir davart la situaziun actuala e las sfidas da damaun sin quei sector.

Silsuenter stein ensemen da cumpignia e gudin in puschein communabel e bunas discusiuns.

1. PART STATUARA

Entschatta a la 10:15 uras

TRACTANDAS

1. Avertura e bainvegni
2. Tscherna da dumbravuschs
3. Protocol/cronica RA 2024
4. Rapport annual 2024 >>> Aschuntaus
5. Quint 2024 >>> Vegn presentaus a la RA
6. Preventiv e contribuziun annuala 2025
7. Rapport dals revisurs >>> Vegn presentaus a la RA
8. Décharge e sortidas da la suprastanza
9. Midada dals tschentaments (possibilitar ina copresidenza)
10. Elecziuns (suprastanza URB, revisurs/as da quint)
11. Program da lavur e projects 2025:
 - Orientaziun davart il project **Ambassada Rumantscha Turitg – ART**
www.ambassada-rumantscha.ch
 - Nossa nova pagina d'internet
12. Termins (mira pagina 3)
13. Varia
14. Engraziament e finiziun

2. PART CUN IL GIAST DAL DI

MEN J. SCHMIDT

Il Grischun nativ è in dals "exports" ils pli impurtants da la Svizra orientala en il champ da la scienza. Tgi che s'interessa per l'astronomia e l'astronautica tschertga el per referats u seminaris e po esser segir ch'il public na vegn betg mo infurmà a moda cumpetenta, mobain er a moda divertenta – ina maschaida rara. *Schmidt* merita ses daners atgnamain tar la Fisba Optik a Son Gagl, nua ch'el è responsabel sco manader da project per il svilup da products cun l'accent Astro e l'Univers. Ch'el na chatta ultra da quai be temp per referats, dimpersè er per concepziuns d'exposiziun, manader da viadis da studi e realisatur da films documentars mussa sia passiuin sincera per tut quai che capita en il mund.



Men J. Schmidt

© Who is who, 2016 – MetroComm AG

3. PUSCHEIN – Discurs persunals e star da cumpagnia

Ca. a las 12:45 – 14.00 uras

OCCURENZAS: RESERVAI ILS TERMINS!

Grazia a l'applicaziun www.chalender.ch eis ei a Vos uss pusseivel d'anflar cun in filter tut las occurrenzas rumantschas che ein d'interess per Vos e quai suenter regiun, termin ni era categoria. Cun abunar ils criteris dal filter vegnis Vos mintgamai oreintai da novas occurrenzas che correspundan a Vos gust. Nus orientain Vos sco suonda da las proximas sentupadas en la Bassa ed autras occurrenzas d'interess surregional.

- Mintgamai igl emprem margis sera dil meins sescuntrein nus a las 18:30 uras al TAVULIN, il Café rumantsch da Turitg. Quel ha liug en differentas localitads. Per infurmaziuns mira <https://www.uniun-urb.clubdesk.com> ni www.chalender.ch
- **10-5-2024, 10:15 uras:** Radunanza annuala URB (mira quest invit)
- **3-6-2025, 18:45 – 20:15 uras:** Colloqui Rumantsch a l'Universitad populara da Turitg. (Commenbras/s da l'URB han ina reducziun da 50% sil pretsch d'intrada.) www.vhszh.ch e www.chalender.ch [uniun-urb.ch](http://www.uniun-urb.ch)
- **20/21-6-2025:** Empreem **FESTIVALET** da cultura Rumantscha a Turitg (organisaziun entras l'*Uniun Cultura Rumantscha en la Bassa – UCB*)
Detagls anfleis Vos sin: www.culturaenlabassa.ch
- **21-06-2025:** Radunanza da delegads/as da la Lia Rumantscha per l'emprema gada a Turitg entaifer las occurrenzas dal **FESTIVALET**
Detagls anfleis Vos sin: www.liarumantscha.ch

Sco adina anflais Vos las infurmaziuns d'actualitad sin nossa pagina d'internet sco era sin nies account da facebook. Cun plaschair da saver beneventar era Vos a nossa Radunanza annuala giavischain nus a Vos tut il bun, engraziein per Vies sustegn ed interess e salidein Vos cordialmein.

En num da la supranza URB

Turitg, avrigl 2025

Roman Pfister, President



Annexas

- Quint per contribuziun da sustegn 2025
- Rapport annual 2024